



Broj/Број: 03/1-50-1-9-31/09  
Sarajevo/Сарајево: 30.12.2009.godine

## **IZVJEŠTAJ O RADU** **ZAJEDNIČKE KOMISIJE ZA ODBRANU I SIGURNOST BiH** **ZA 2008. GODINU**

### **1. Uvodne napomene**

Rad Zajedničke komisije za odbranu i sigurnost BiH (u daljnjem tekstu: Zajednička komisija) zasnovan je na odredbama Poslovnika Predstavničkog doma Parlamentarne skupštine BiH ("Službeni glasnik BiH", br. 33/06, 41/06, 81/06, 91/06 i 91/07) i Poslovnika Doma naroda Parlamentarne skupštine BiH ("Službeni glasnik BiH", br. 33/06, 41/06, 91/06 i 91/07), a njena nadležnost regulirana je članom 54. Poslovnika Predstavničkog doma, odnosno članom 48. Poslovnika Doma naroda.

Zajednička komisija je od konstituiranja do danas aktivno radila na provođenju obaveza utvrđenih poslovnica, kao i obaveza koje je sama utvrdila, o čemu podnosi Izvještaj o radu za 2008. godinu, u skladu sa članom 50. Poslovnika Predstavničkog doma i članom 44. Doma naroda.

### **2. Aktivnost Zajedničke komisije tokom 2008. godine**

Tokom 2008. godine Zajednička komisija održala je 19 sjednica, imala 34. druga radna sastanka sa domaćim i međunarodnim predstavnicima, te učestvovala na 31 seminaru, konferenciji u i izvan BiH, od čega je organizirala jednu regionalnu konferenciju i jednu konferenciju na nivou BiH, kao i dvije radionice u BiH. Zajednička komisija razmatrala je različit spektar aktivnosti. Najznačajnije od njih su zakonodavne, te aktivnosti koje se odnose na razmatranje i usvajanje ostalih akata, kao i one koje je Zajednička komisija sama inicirala ili učestvovala u njima na inicijativu drugih organizacija.

#### **a. Zakonodavne aktivnosti**

Članovi Zajedničke komisije su tokom 2008. godine razmatrali ukupno 9 prijedloga zakona. Od tog broja, dva zakonska prijedloga usvojena su u obje komisijske faze i upućena u dalju parlamentarnu proceduru, dok je jedan zakonski prijedlog usvojen u prvoj komisijskoj fazi, i nalazi se u parlamentarnoj proceduri. Za tri zakonska prijedloga utvrđen je negativan komisijski izvještaj, koji je kasnije potvrđen i na Predstavničkom domu, dok je za jedan prijedlog zakona utvrđeno je negativno komisijsko mišljenje, koje je također potvrđeno i na Predstavničkom domu. Za dva zakonska prijedloga je, također, utvrđeno negativno komisijsko mišljenje, ali ono nije prihvaćeno na Predstavničkom domu, te se ti zakoni još uvijek nalaze u parlamentarnoj proceduri.

Zajednička komisija je razmatrala i zahtjeve Granične policije BiH, odnosno Ministarstva odbrane BiH za autentičnim tumačenjem članova dva zakona.

Zakone su predlagali Vijeće ministara BiH, te poslanici Parlamentarne skupštine BiH.

### ***I. Prijedlozi zakona usvojeni u obje komisijske faze***

1. Prijedlog zakona o zaštiti i spašavanju ljudi i materijalnih dobara od prirodnih ili drugih nesreća u BiH (predlagač: Vijeće ministara BiH);
2. Prijedlog zakona o izmjenama i dopunama Zakona o policijskim službenicima BiH (predlagač: Vijeće ministara BiH).

### ***II. Prijedlozi zakona usvojeni u prvoj komisijskoj fazi, trenutno u parlamentarnoj proceduri***

1. Prijedlog zakona o izmjenama i dopunama Zakona o proizvodnji naoružanja i vojne opreme (predlagač: Vijeće ministara BiH).

### ***III. Prijedlozi zakona usvojeni u prvoj, a odbijeni u drugoj komisijskoj fazi***

1. Prijedlog zakona o izmjenama i dopunama Zakona o učešću pripadnika oružanih snaga BiH, policijskih službenika, državnih službenika i ostalih zaposlenika u operacijama podrške miru i drugim aktivnostima u inostranstvu (predlagač: Vijeće ministara BiH);
2. Prijedlog zakona o Direkciji za koordinaciju policijskih tijela i agencijama za podršku policijskoj strukturi BiH (predlagač: Vijeće ministara BiH);
3. Prijedlog zakona o nezavisnim i nadzornim tijelima policijske strukture BiH (predlagač: Vijeće ministara BiH).

### ***IV. Prijedlozi zakona koji nisu usvojeni u prvoj komisijskoj fazi***

1. Prijedlog zakona o policijskoj strukturi u BiH (predlagači: poslanici Drago Kalabić i Branko Dokić);

### ***V. Prijedlozi zakona koji nisu usvojeni u prvoj komisijskoj fazi ali su i dalje u proceduri***

1. Prijedlog zakona o kontroli kretanja oružja i vojne opreme (predlagač: Vijeće ministara BiH);
2. Prijedlog zakona o graničnoj kontroli (predlagač: Vijeće ministara BiH).

Navedene zakone Zajednička komisija razmatrala je u više navrata (rasprava je vođena na šest sjednica) i utvrđivala negativno mišljenje o njihovim principima. Predstavnički dom također svki put nije usvajao negativno komisijsko mišljenje, a na svojoj sjednici održanoj 17.12.2008. godine ponovo je od Zajedničke komisije zatražio dostavu novog mišljenja ova dva prijedloga zakona.

Odlučujući o prijedlozima zakona, Komisija je sačinila i u dalju parlamentarnu proceduru u izvještajnom periodu dostavila ukupno 14 mišljenja i 11 izvještaja.

### ***IV. Zahtjevi za autentično tumačenje***

1. Prijedlog autentičnog tumačenja člana 185. stav 1. Zakona o službi u Oružanim snagama BiH (podnosilac: Ministarstvo odbrane BiH). Postupak pred Zajedničkom komisijom je okončan;
2. Prijedlog autentičnog tumačenja člana 102. Zakona o policijskim službenicima BiH (podnosilac: Granična policija BiH)- još uvijek je u proceduri s obzirom da se čeka ponovno mišljenje Vijeća ministara BiH;

## **b. Aktivnosti vezane za razmatranje i usvajanje ostalih akata**

### ***I. Akti razmatrani u komisijskoj fazi***

Tokom 2008. godine Zajednička komisija razmatrala je niz akata koji nemaju zakonodavni karakter. Zajednička komisija je u izvještajnom periodu razmatrala, usvojila i uputila u daljnju parlamentarnu proceduru sljedeće akte:

1. Izvještaj o radu Zajedničke komisije u 2007. godini;
2. Prijedlog orijentacionog plana rada Zajedničke komisije za 2008. godinu;
3. Izvještaj sa sjednice GCSP (Ženevski centar za sigurnosnu politiku) Fondacije, održane 30. 11. 2007. u Ženevi;
4. Izvještaj o posjeti 5. pješadijskoj brigadi OS BiH i Komandi logistike OS BiH – 17.12.2007.
5. Izvještaj o posjeti Terenskoj kancelariji Granične policije „SJEVEROZAPAD“ – Gradiška/Bosanska Gradiška;
6. Izvještaj i aktivnosti o provođenju tranzicije za period 1. 10. 2007. – 31. 1. 2008. (podnosilac: Ministarstvo odbrane BiH);
7. Izvještaj o radu Ministarstva odbrane BiH za 2007. godinu (podnosilac: Ministarstvo odbrane BiH);
8. Izvještaj o posjeti 4. pješadijskoj brigadi Oružanih snaga BiH u Čapljini;
9. Izvještaj o provođenju tranzicije (podnosilac: Ministarstvo odbrane BiH);
10. Izvještaj sa konferencije „Regionalna saradnja i pružanje pomoći u kriznim situacijama i prirodnim katastrofama-problemi i perspektive“, Trebinje;
11. Izvještaj sa 2. Modula ESDP, (Evropska sigurnosna i odbrambena politika) održanog u Crnoj Gori;
12. Izvještaj o učešću pripadnika Oružanih snaga, policijskih i državnih službenika Bosne i Hercegovine u operacijama podrške miru za period 01.09.2007. – 29.02.2008. godine (podnosilac: Predsjedništvo BiH i Vijeće ministara BiH);
13. Izvještaj o provođenju tranzicije za mjesec juli 2008. (sačinilac: Ministarstvo odbrane BiH);
14. Izvještaj o provođenju tranzicije u odbrambenom sektoru za mjesec avgust, septembar i oktobar 2008. (podnosilac: Ministarstvo odbrane BiH);
15. Izvještaj o učešću pripadnika Oružanih snaga, policijskih i državnih službenika BiH u operacijama podrške miru u inostranstvu za period 1.3.2008.-30.6.2008.;
16. Informacija o posjeti strukturama Civilne zaštite u Općini Trebinje;
17. Informacija sa Seminara CSS-a (Centar za sigurnosnu politiku) na temu: "Evropska sigurnosna i odbrambena politika (ESDP) i Bosna i Hercegovina";
18. Informacija sa sastanka predstavnika Ministarstva odbrane BiH i državnog koordinatora u Odsjeku za mir i sigurnost, održanog u Ministarstvu vanjskih poslova, 04. 01. 2008. godine;
19. Informacija o sastanku Vijeća EU za opće poslove i vanjske odnose, održanog 10. 12. 2007. u Briselu (podnosilac: Ministarstvo vanjskih poslova BiH);
20. Informacija o realizaciji aktivnosti NATO Trust Funda za BiH (NATO Povjerenički fond za BiH), (podnosilac: Ministarstvo odbrane BiH);
21. Informacija o posjeti Ministra odbrane i delegacije Senata Republike Čile;
22. Informacija o posjeti delegacije Odbora za odbranu Republike Slovenije;
23. Informacija o posjeti ambasadora SAD u BiH, Nj.E. Charles L. Englisha;
24. Informacija o posjeti brigadnog generala Ulricha Heidera, Direktora Odjela za sigurnosnu suradnju Misije OSCE u BiH;

25. Informativno razmatranje Specijalnog obraćanja za parlamentarce Interparlamentarne skupštine za evropsku sigurnost i odbranu NATO-a (podnosilac: Skupština Zapadnoevropske unije);
26. Informacija o posjeti članova Zajedničke komisije za odbranu i sigurnost BiH sjedištu Službe za poslove sa strancima;
27. Informacija o održanom sastanku s Povjerenikom za vojna pitanja Bundestaga;
28. Informacija o trenutnom stanju sigurnosti u BiH (sačinilac: Ministarstvo sigurnosti BiH);
29. Informacija o stanju sigurnosti u BiH za 2007. godinu (sačinilac: Ministarstvo sigurnosti BiH);
30. Razmatranje zaključaka sa 26. sjednice Predstavničkog doma vezanih za Informaciju o stanju sigurnosti u BiH za 2007. godinu radi izrade cjelovitog prijedloga zaključaka;
31. Informacija o posjeti članova Zajedničke komisije za odbranu i sigurnost BiH sjedištu Terenskog ureda Granične policije „Jug“ Čapljina;
32. Informacija sa održanog sastanka članova Zajedničke komisije sa načelnikom Općine Trebinje;
33. Informacija sa sastanka sa predstavnicima Ambasade SAD u BiH;
34. Informacija o pripremi i izvođenju vojne vježbe „Združeni napor 2009.“ (podnosilac: Ministarstvo odbrane BiH);
35. Informacija o posjeti članova Zajedničke komisije za odbranu i sigurnost BiH Švicarskoj Konfederaciji;
36. Informacija o sastanku članova Zajedničke komisije za odbranu i sigurnost BiH sa šefom misije EUPM-a u BiH, Vicenzom Coppolom;
37. Informacija o susretu članova Zajedničke komisije za odbranu i sigurnost BiH sa članovima Odbora za sigurnost i odbranu Skupštine Republike Crne Gore na graničnom prijelazu Zupci – Sitnica;
38. Informacija o izdatim dozvolama za promet oružja, vojne opreme i proizvoda dvojne namjene (podnosilac: Ministarstvo vanjske trgovine i ekonomskih odnosa BiH);
39. Informacija o sastanku članova Zajedničke komisije sa komandantom EUFOR-a u BiH, general-majorom Martinom Villalainenom;
40. Informacija o održanom sastanku sa predstavnicima Antikorupcionog tima NATO-a;
41. Informacija sa sastanka NATO koordinacionog tima Vijeća ministara BiH;
42. Informacija o posjeti članova Zajedničke komisije za odbranu i sigurnost BiH Iraku;
43. Informacija o provedenim aktivnostima na pripremi za izvođenje vojne vježbe „Združeni napor 2009.“ (sačinilac: Ministarstvo odbrane BiH);
44. Informacija o prodaji oružja Gruziji (podnosilac: Ministarstvo vanjske trgovine i ekonomskih odnosa);
45. Informacija o sastanku članova Zajedničke komisije s komandantom NATO Štaba u BiH, generalom Richardom Vightmanom i pravnim savjetnikom Bruce McLaneom;
46. Informacija o sastanku članova Zajedničke komisije s Nj.E. Joachim Schmidtom, ambasadorom SR Njemačke u BiH;
47. Informacija sa DCAF 17. trening seminara za parlamentarne savjetnike za odbranu i sigurnost zemalja JE, Beograd;
48. Informacija o održanom sastanku predstavnika Zajedničke komisije sa članovima Političko-sigurnosnog komiteta Vijeća EU;
49. Informacija o održanom sastanku sa Traverom Guide-om, vojno-političkim savjetnikom u Ambasadi SAD-a u BiH;
50. Informacija o održanom sastanku NATO koordinacionog tima Vijeća ministara BiH, Mostar;
51. Informacija o seminaru o temi „OSCE Kodeks ponašanja“, Vlašić;
52. Informacija o održanoj radionici o temi „Prijedlozi budžeta institucija odbrambenog i sigurnosnog sektora na nivou BiH za 2009.“;

53. Informacija o radnoj posjeti Ministarstvu odbrane i strukturama civilne zaštite Republike Austrije, Beč;
54. Informacija o održanom sastanku NATO koordinacionog tima Vijeća ministara BiH, Vlašić;
55. Informacija o održanom sastanku sa predstavnicima DCAF-a (Ženevski centar za kontrolu oružanih snaga) iz Ženeve;
56. Informacija o održanoj prezentaciji i predavanju za učesnike kursa o temi „Sigurnosna politika BiH“;
57. Informacija o održanoj radionici o temi: „Stanje u oblasti naoružanja i municije u BiH“, održane u Bihaću;
58. Informacija o posjeti predstavnika Zajedničke komisije Češkoj Republici;
59. Informacija o posjeti predstavnika Zajedničke komisije Ujedinjenom Kraljevstvu Velike Britanije;
60. Razmatranje Rezolucije o spremnosti Bosne i Hercegovine za NATO integracije (predlagači: poslanici Milorad Živković i Halid Genjac i delegat Ivo Miro Jović);
61. Odluka o utvrđivanju kandidata na generalske pozicije u Oružanim snagama Bosne i Hercegovine (podnosilac: Predsjedništvo BiH);
62. Odluka o učešću jedinice Oružanih snaga BiH u operaciji podrške miru „Iračka sloboda“ u Iraku (podnosilac: Predsjedništvo BiH);
63. Ponovno razmatranje Zaključaka Zajedničke komisije vezanih za Informaciju o neovlaštenoj proizvodnji i stavljanju u promet opojnih droga u Bosni i Hercegovini u periodu 2005. i 2006., s tendencijama za prvih šest mjeseci 2007. godine;
64. Razmatranje dostavljenih odgovora Ministarstva sigurnosti BiH na pitanja Zajedničke komisije sa 11. sjednice u vezi Informacije o razbojništvu u Cargo centru aerodroma Sarajevo i suspenziji u Graničnoj policiji BiH (podnosilac: Ministarstvo sigurnosti BiH);
65. Razmatranje odgovora dostavljenih na zahtjev za dostavu informacija sa 17. sjednice Zajedničke komisije za odbranu i sigurnost BiH u vezi instaliranja opreme u oblasti obavještajnog i protivobavještajnog rada;
66. Aktivnosti Zajedničke komisije u vezi sa IPAP (Individualni partnerski akcioni plan) u 2008. godini;
67. Pritužba kapetana Avde Halkića;
68. Predstavka Vahida Alagića, zamjenika direktora Granične policije;
69. Predstavka Joze Ćorluke, rukovodioca u GP-i;
70. Dopis Ad hoc komisije Predstavničkog doma u vezi s predstojećim izmjenama i dopunama Poslovnika Predstavničkog doma PSBiH;
71. Prijedlozi i sugestije struktura odbrane i sigurnosti u vezi s Prijedlogom zakona o plaćama i nakanadama u institucijama BiH.
72. Zahtjev RACVIAC-a za plaćanje kontribucije Centru u 2008. godini;
73. Zahtjev Sekretarijata UN-a za dostavom prijedloga kandidata za spisak visokih konsultanata za pitanje reforme sigurnosnog sektora;
74. Zahtjev poslanika Šemsudina Mehmedovića za provjeru zakonitosti rada Državne agencije za istrage i zaštitu, sa Informacijom SIPA-e u ovom predmetu.

Sa 19 održanih sjednica sačinjeno je svih 19 zapisnika, od koga je 16 Komisija verificirala, dok su 3 zapisnika dostavljena članovima Komisije za verificiranje na narednoj sjednici koja će se održati sredinom mjeseca januara 2009.

### **c. Aktivnosti koje je Zajednička komisija sama inicirala i ostale realizirane aktivnosti**

**1.** Zajednička komisija je na vlastitu inicijativu obavila posjete institucijama BiH iz oblasti odbrane i sigurnosti radi sagledavanja stanja u ovim institucijama, eventualnim problemima s kojim se susreću u

radu i načinu za njihovo prevazilaženje, kako bi doprinijeli poboljšanju opće sigurnosti i sistema odbrane u Bosni i Hercegovini, u tranzicijskom periodu.

Realizirane su planirane posjete:

- Službi za poslove sa strancima;
- 4. pješadijskoj brigadi OSBiH u Čapljini;
- Terenskim uredima Granične policije BiH „Jug“ u Čapljini i „Zapad“ u Grudama.
- Graničnim prijelazima „Gorica“, „Doljani“ i „Zupci“
- Načelniku Općine Trebinje.

Svi navedeni susreti i razgovori rezultirali su određenim iskustvima. Naime, Zajednička komisija je ovu vrstu parlamentarnog nadzora iskoristila da sagleda probleme s kojima se susreću pripadnici navedenih institucija, te nastojala da ih prevaziđe predlaganjem određenih zaključaka domovima Parlamentarne skupštine BiH.

2. U toku 2008. godine Zajedničkoj komisiji obraćali su se:

- Ministar odbrane BiH i njegovi zamjenici, te predstavnici generalskog kora Oružanih snaga BiH;
- Predstavnici Državne međuresorne komisije za NATO i PFP (Program Partnerstvo za mir);
- Ambasador Sjedinjenih Američkih Država u BiH, Nj.E. Charles L. English;
- Brigadni general Ulrich Heider, direktor Odjela za sigurnosnu saradnju Misije OSCE u BiH;
- Povjerenik za vojna pitanja Bundestaga, Reinhold Robbe;
- Brigadni general Evropske komande Vojske SAD Edward A. Leacock;
- Vojnodiplomatski kor u BiH;
- Politički savjetnik Ambasade SAD Mark Fleaming i Vojni ataše SAD u BiH;
- General Vicenzo Coppola, šef Misije EUPM- a u BiH;
- General-major Ignacio Martin Villalainen, komandant EUFOR-a u BiH,
- Komandant NATO Štaba u BiH, generalom Richard Vightman i pravni savjetnik Bruce Mc Lane,
- Ambasador SR Njemačke u BiH, Nj.E. Joachim Schmidt,
- Predstavnici Antikorupcionog tima NATO-a,
- Članovi Političko-sigurnosnog komiteta Vijeća EU,
- Vojno-politički savjetnik u Ambasadi SAD-a u BiH, Traver Guide,
- Predstavnici DCAF-a iz Ženeve, Marc Remillard i Darko Stančić,
- Ambasador BiH pri OSCE misiji u Beču, Igor Davidović,
- Predstavnik predsjedavajućeg OSCE-a za član IV Aneksa 1B Dejtonskog mirovnog sporazuma, brigadni general Costanzo Periotto,
- Pomoćnik Državnog sekretara za odbranu za koalicijske poslove SAD-a, Roger Zakheira,
- Predstavnici Odjela za sigurnosnu saradnju Misije OSCE u BiH.

3. Članovi Zajedničke komisije prisustvovali su određenom broja seminara, radionica i drugih skupova, koji su navedeni u nastavku:

- Seminar o temi „Perspektive regionalne sigurnosne saradnje u zemljama Jugoistočne Evrope“, PSOTC (Centar za mirovne operacije), Butmir;
- Seminar o tranziciji personala Ministarstva odbrane BiH, Sarajevo;
- Regionalna konferencija „Regionalna saradnja i pružanje pomoći u kriznim situacijama i prirodnim katastrofama – problemi i perspektive“, Trebinje;

- Seminar na temu: „Borba protiv terorizma kroz regionalnu i međunarodnu sigurnosnu saradnju“, Sarajevo;
- Seminar o zaštiti tajnih podataka Zajedničke sigurnosno-obavještajne komisije za nadzor nad radom OSA BiH, Banja Luka;
- Seminar Centra za međunarodne odnose i Atlantic Treaty Associationa (ATA) „BiH i Evroatlanske integracije“, Banja Luka;
- Seminar Misije EUPM u BiH o policijskoj reformi u BiH – reforma sigurnosnog sektora i proces stabilizacije i pridruživanja, Sarajevo;
- Seminar OSCE-a BiH na temu: “Rad unutar političkih partija i njihovih klubova poslanika na sigurnosno – političkim pitanjima“, Sarajevo;
- Okrugli sto Foruma za bezbjednost i demokratiju i Friedrich Ebert Stiftunga o temi: „Građanski i parlamentarni nadzor nad sektorom sigurnosti“, Banja Luka;
- Konferencija na temu: “Inicijative za kontrolu vatrenog oružja u Jugoistočnoj Evropi“, Zagreb, Rakitje;
- Seminar RACVIAC-a o temi: „Odbrambeno planiranje, programiranje i budžetiranje“, Rakitje-Zagreb;
- Program obuke iz oblasti Evropske sigurnosne i odbrambene politike (ESDP), Bečići, Crna Gora;
- Konferencija predsjedavajućih komisija za odbranu i vanjske poslove Parlamenata zemalja članica NATO-a i Jadranske grupe zemalja PFP- a na temu: „Uloga parlamentarnih komisija za vanjsku politiku i odbranu u implementaciji ciljeva i politike NATO-a“, Skopje, Makedonija;
- Seminar NATO-a: „Strategija i operativne perspektive“, Sarajevo.
- Seminar „Sigurnosni sektor Republike Srbije“, Beograd;
- Regionalni seminar o upravljanju kriznim situacijama;
- Seminar o „Parlamentarnom nadzoru nad sigurnosnim sektorom“, RACVIAC, Zagreb,
- Trening seminar za parlamentarne savjetnike zemalja Jugoistočne Evrope, Beograd,
- Trening seminar za parlamentarne savjetnike zemalja Jugoistočne Evrope, Ženeva,
- Seminar o temi „OSCE Kodeks ponašanja“, Vlačić,
- Konferencija o temi: „Intenzivirani dijalog – slijedeći koraci u odnosima BiH – NATO“, Banja Luka,
- Seminar o temi: „NATO i Evropska unija i Bosna i Hercegovina“, Sarajevo.

4. Naročito je bitno napomenuti da je Zajednička komisija za odbranu i sigurnost, bila organizator određenog broja konferencija i radionica, koji su navedeni u nastavku:

- Regionalna konferencija „Regionalna saradnja i pružanje pomoći u kriznim situacijama i prirodnim katastrofama – problemi i perspektive“, Trebinje (Zajednička komisija u saradnji sa OSCE misijom u BiH, DPPI (Inicijativa za spremnost i prevenciju u slučaju katastrofa) i East-West institutom). Ovoj konferenciji prisustvovalo je 110 učesnika iz BiH, R Hrvatske, R Srbije i R Crne Gore;
- Radionica o temi „Prijedlozi budžeta institucija odbrambenog i sigurnosnog sektora na nivou BiH za 2009.“, Kozara (Zajednička komisija u saradnji sa OSCE misijom u BiH);
- Radionici o temi: „Stanje u oblasti naoružanja i municije u BiH“, Bihać (Zajednička komisija u saradnji sa UNDP-om);
- Konferencija o temi: „Aktuelno stanje sigurnosti u BiH“ u Sarajevu, kojoj je prisustvovalo 95 učesnika.

5. Obavljene su posjete parlamentima i nadležnim tijelima iz oblasti odbrane i sigurnosti Švicarske Konfederacije, Ministarstvu odbrane i strukturama civilne zaštite Republike Austrije, Odboru za sigurnost Predstavničkog doma Parlamenta Češke Republike, te parlamentarnim tijelima, Ministarstvu odbrane i Ministarstvu vanjskih poslova Ujedinjenog Kraljevstva Velike Britanije.

Značajne su i posjete jedinici Oružanih snaga BiH za uništavanje NUS-a u Iraku, koju su predstavnici Zajedničke komisije posjetili zajedno sa delegacijom Ministarstva odbrane BiH, kao i prisustvo obuci pripadnika Oružanih snaga BiH i Ministarstva odbrane BiH o uništavanju municije, koja se realizirala u Velikoj Britaniji.

6. U posjeti Zajedničkoj komisiji u 2008. boravile su delegacije:

- Senata Republike Čile sa ministrom odbrane ove zemlje;
- Odbora za odbranu Državnog zbora Republike Slovenije;
- Odbora za bezbjednost i odbranu Skupštine Republike Crne Gore;
- Predstavnici antikorupcionog tima NATO-a;
- Delegacija ambasadora 27 država članica Evropske unije Političko-sigurnosnog komiteta Vijeća Evropske Unije.

Osim navedenih delegacija, Zajednička komisija je u posjetu primila i polaznike prvog i drugog kursa u oblasti sigurnosne politike čiji su suorganizatori Ministarstvo sigurnosti BiH i OSCE Misija u BiH, te održala prezentaciju o ulozi i nadležnostima Zajedničke komisije studentima Fakulteta političkih nauka iz Sarajeva.

Članovi Zajedničke komisije u izvještajnom periodu prisustvovali su i raspravi o nacrtu Prezentacijskog dokumenta Individualnog akcionog partnerskog plana Bosne i Hercegovine (IPAP), koja je realizirana prilikom dolaska NATO ekspertnog tima u BiH.

Posebno treba istaći održavanje tematske sjednice sa ministrom sigurnosti BiH, te direktorima sigurnosnih agencija BiH, uključujući i direktora BHMACH-a, radi sagledavanja problema navedenih u Informaciji o stanju sigurnosti za 2007. i prijedlaganja određenih mjera za njihovo prevladavanje, koju je Zajednička komisija organizirala na osnovu zaključaka koje je usvojio Predstavnički dom PSBiH 18.6.2008. Ova sjednica rezultirala je potom održavanjem konferencije o „Aktuelnom stanju sigurnosti u BiH“ u zgradi PSBiH. Na ovoj konferenciji učešće je prvi put uzeo najširi krug predstavnika svih sigurnosnih struktura sa svih nivoa vlasti, uključujući i predstavnike Tužilaštva BiH i Suda BiH. Ova konferencija rezultirala je određenim zaključcima.

## Rezime

Na osnovu navedenih aktivnosti, može se zaključiti da je Zajednička komisija u domenu zakonodavnih i ostalih aktivnosti tokom 2008. godine realizirala najvećim dijelom zadatke utvrđene Orijentacionim radnim planom.

Za ovaj period naročito je važno ponovo istaknuti samoinicijativnost Zajedničke komisije koja je nastojala kontinuirano djelovati u pravcu poboljšanja svih segmenata odbrane i sigurnosti u BiH. Putem predlaganja određenih zaključaka domovima Parlamentarne skupštine BiH, koji su većim dijelom i usvojeni, Zajednička komisija uticala je na Vijeće ministara BiH i njegova resorna ministarstva u pravcu rješavanja pitanja značajnih za dalje napredovanje BiH-e ka NATO-u i EU-i. Tu se npr. može pomenuti stalna inicijativa i uticaj u pravcu bržeg rješavanja:

- pitanja viškova naoružanja i municije,
- rješavanja statusa vojne imovine;
- ostvarivanja adekvatnog statusa pripadnika Oružanih snaga BiH, kao i pripadnika policijskih agencija na nivou BiH,
- izrade adekvatnijih informacija o stanju sigurnosti u BiH;
- pitanja izrade adekvatne zakonske regulative u oblasti zaštite i spašavanja ljudi i imovine od prirodnih i drugih nepogoda.

Stalni kontakti i susreti sa predstavnicima NATO Štaba u BiH, predstavnicima EUFOR-a u BiH, OSCE Misije u BiH, UNDP-a u BiH, predstavnicima ambasada u BiH, EUPM-a, predstavnicima



drugih međunarodnih organizacija i institucija, predstavnicima radnih tijela parlamenata većeg broja zemalja i dr., rezultirali su stvaranjem odnosa istinskog povjerenja prema Zajedničkoj komisiji, a time i sa Parlamentu BiH u cjelini. Stoga Zajednička komisija ostaje prepoznatljiv činilac u oblasti rada za koju je nadležna i među zemljama članicama PFP-a, NATO-a i EU-e, što je vrlo bitno u pravcu propagiranja naše zemlje na daljem putu ka pridruživanju navedenim asocijacijama.

Zajednička komisija će u narednom periodu nastojati kontinuiranim maksimalnim angažiranjem i dalje doprinositi poboljšanju cjelokupne situacije u oblastima za koje je nadležna.

Predsjedavajući  
Zajedničke komisije  
**Branko Zrno**